

ARCHIVIO GENERALIZIO - Sezione Storica

Chierici Regolari Somaschi

n. 5 128 a

*ACM ps
S 128 o*

Clemente XIII,


Litterae mentiles...

Roma 1767.



→ *Trasferito da ACM
in AGCRS in data
9 febbraio 2012.*

gmr.



1767. luglio 16

Littere decimales Clementis XII.

super Canonizzazione B. Hieronymi
Romani.



1
4
166

2
22

3
4
42

166
SANCTISSIMI IN CHRISTO PATRIS
ET DOMINI NOSTRI DOMINI

CLEMENTIS

DIVINA PROVIDENTIA

PAPÆ XIII.

LITERÆ DECRETALES

SUPER

CANONIZATIONE

B. HIERONYMI ÆMILIANI

Fundatoris Clericorum Regularium
Congregationis Somaschæ.



ROMÆ MDCCCLXVII.

Ex Typographia Reverendæ Cameræ Apostolicæ.

SAINTISSIMI IN CHRISTO PATRIA
ET DOMINI NOSTRI DOMINI

СЕМЕЙСТВО
ДИВИНА ПРОИДЕНТИЯ
ПАПЫ XIII
ЛИТЕРА ДЕCRETALIS
СУБЕР
КАНОНИКАЛОН
Д. ГИЕРОНЫМИ БЕЛИАНЫ

Finis locis Clericorum Regulorum
Constitutioe Sacerdotum Sommigera.

10 V. MDCCLXII
In Typis Laurentii Giussepi Abbogati.



CLEMENS EPISCOPUS SERVUS SERVORUM DEI

Ad perpetuam rei memoriam.



ANCTITAS quæ nusquam alibi , quam in Cittate Domini virtutum , hoc est in Catholica Romana Ecclesia , reperiri potest , quæque proinde una est e notis ad eam dignoscendam maxime illustribus ; quamquam virtutes omnes communi nexas vinculo complectantur ; multiformis tamen Dei gratia ita voluntates Servorum suorum afficit , ac disponit , ut aliam alii virtutem potissimum consecentur , in eaque colenda , atque exercenda maxime excellant . Inde enim oritur mirifica illa varietas , qua stella a stella differt in claritate , atque ut diversæ hominum conditiones , atque indoles suum quæque habeant aperte accommodatum ad imitandum exemplar . Quum autem benignissimus Deus Patrem sè misericordiarum esse , & vocari gaudeat , & misericordiæ operibus summopere delectetur ; ob eam rem homines subinde virtutis hujus exercitationi singulari quodam modo additos in Ecclesia sua sibi de legit , qui Viri misericordiæ forent , & variis mortalium calamitatibus sublevandis se totos impenderent . Itaque , cum inter alias hujus vi-

A 2

(IV)

tæ calamitates non postremo loco numeranda videatur orbitas puerorum , qui vel altero , vel utroque Parente carent ; divinæ utique Providentiæ fuit e Servorum suorum numero aliquos ad hoc potissimum eligere , ut præcipuum ejusmodi puerorum curam gererent , iisdemque non modo de victu , & cultu , sed etiam de recta institutione , atque educatione prospicerent . Quocirca Omnipotens Dei providentia dedit Ecclesiæ suæ B. HIERONYMUM ÆMILIANUM , qui hoc ipsum Orphanos educandi munus sibi deposceret , & clarissimo quamvis genere ortus , atque in splendidissimis rei pacificæ , & militaris muneribus magna cum laude versatus , ut id præstaret , ad quod divinitus vocabatur , ad infima quæque , & abjectissima in oculis hominum ministeria descendere non erubesceret . Quandoquidem igitur sanctitatis omnis fons , & origo divina bonitas , quæ novos semper in Ecclesia suscitat imitatores caritatis , & misericordiæ suæ , his præcipue virtutibus B. HIERONYMUM ÆMILIANUM ornavit , atque ad eas ipsas christiano populo commendandas miraculorum etiam testimonium addidit valde per spicuum ; Nos propterea utrisque ad trutinam diu multumque revocatis , de consilio Venerabilium Fratrum nostrorum Sanctæ Romanæ Ecclesiæ Cardinalium , accedente etiam judicio Patriarcharum , & plurimorum Archiepiscoporum , & Episcoporum in Curia congregatorum , & super hæc superno lumine Spiritus Sancti implorato , eundem B. HIERONYMUM ÆMILIANUM Sanctorum fastis adscribimus , atque eo , qui Sanctis in cœlesti Sede regnantibus exhibetur , cultu prosequendum , & venerandum esse pronunciamus , atque decernimus .

E parentibus patricia nobilitate clarissimis ortum habuit BEATUS HIERONYMUS ÆMILIANUS , vulgo Miani , Anno a Virginis partu MCCCCLXXXI. In hoc , quod gratia possit efficere ad quamlibet indolem in melius mutandam , luculentter fane perspectum est . Ingentes ille , sive a natura , sive a majorum exemplo spiritus hauserat , ob eamque rem ad arcem quamdam , quæ acri hostium obsidione premebatur , tuendam perquam idoneus est visus , sed propugnatorum paucitas tametsi virtute HIERONYMI diu sustentata , numerum , & vim longe

(V)

longe majorem hostium non tulit . Victus itaque , atque in carcерem ab hoste detrusus , manicisque , & compedibus , & catenis revinctus , quod diutius tam exiguo cum numero militum restitisset , constantiæ suæ poenas dare coactus fuit . Sed , quo immixtorem hostem , eo benigniores in fæse cœlites expertus est . Dum enim ferox ingenio juvenis infortunio mansuetus , atque humanarum rerum instabilitatem edoctus , ad maximam post Jesum spem nostram Deiparam Virginem confugit , votoque se obstringit celeberrimæ cujusdam sacræ ædis Tarvisinæ pie , sancteque invisendæ , si præsentem ejusdem opem in tanto discrimine experiretur ; fusas ex animo incensas preces misericordiæ Mater exaudit , eique suis ipsa manibus vincla solvit , & claves carceris tradit . Ille catenas , & saxum , quo ad collum appenso prounum ad terram caput demittere cogebatur , omnia secum asportat . Tum Virgine pariter adjurice ostia carceris referans , e squalente custodia se proripit . Sed quum per medios hostes incedendum esset , novo iterum favore Virginis ipsum benigniter manu ducentis impune pergens , magna cum animi alacritate eo , quo statuerat , recta se contulit ; Ibi ad aram augustæ Servatricis suæ provolutus , manantibus præ gaudio lacrymis , corde magis , quam ore gratias eidem agens quantas poterat maximas , catenas , manicas , compedes , globum faxeum , quæ hodieque visuntur , omnia ibi deposita redditæ sibi per virginem monumenta libertatis . Venetas inde revertens , longe alias ac inde discesserat , decretos sibi a Republica honores adspersatus , per annos octo vitam in Urbe ipsa solitariam , atque ab hominum consortio remotam egit , ut liberius Dei cultui , & filiorum fratriis educationi operam daret . Verum his inclusa septis HIERONYMI caritas diutius se continere non potuit ; urgente etenim Venetiis magna Annonæ penuria , ac dira contagione grassante , illius misericordia , pravo pudore posthabito , palam prodiit . Strata passim per vias eorum , quos famæ , morbusve confecerat , corpora noctu suis ipse humeris asportans insepulta jacere non patiebatur . Interdiu vero vagantes per compita , & cibum , vestem , tectum quærentes pueros convocare , & in conductam

A 3

ab

(VI)

ab se domum recipere. Autem inopum, & miserorum numero, in illius pectore augescebat & caritas, in pueros præsertim orbos parentibus. Quamobrem divendita domestica supellesti satis ampla ad eosdem alendos; stipem præterea pro illis per Urbem corrogare tanto genere natus nequaquam erubesceret. Sed cura potissimum in eo erat, ut eosdem Christianis dogmatibus erudiret, & bonis moribus informaret. Ad hæc ne adulatis decesset quo ipsi sibi victimum quærerent, mechanicam ut quisque artem addisceret propiciens, imposterum satagebat. Nusquam tamen HIERONYMI caritas præclarioris sui specimen dedit, quam laborantes impetigine, aliisque id genus foeditatibus pueros, velut sedula mater, suâ ipse manu curabat, & quandoque, ut refugientem ejusmodi officia naturam vinceret, matris quoque amorem exsuperans, manantibus sanie illorum ulceribus os admovebat. Venetiis tanta se caritas continere non potuit. Quocirca in vicinas excurrens Insulas collectos ibi Orphanos, atque egenos pueros duabus in domibus collocat; quos tamen deinde transtulit in Hospitale Incurabilem, cuius a Præsidibus oblatam administrationem libenter suscepserat. Veronæ pariter, & Brixiae domum Orphanis, ac leges constituit. Bergomum inde eodem consilio quum pergeret, metentes in agris operarios nactus, curvam & ipse falcem ad opus arripit, blandeque se insinuans in agrestium animos rerum divinarum ignaros docet quæ necessaria sunt ad salutem, atque a canticis prophaniis, & minus pudicis absterritos ad pias, & sanctas Christianorum preces decantandas hortatur. Ut vero in eam Urbem venit idem pietatis opus aggressus facile ad effectum perduxit, idemque pariter, quod Venetiis præbuit virtutis specimen singulare. Id autem multo clarius tum cœpit esse, quum deficiens die quadam obsoniis, HIERONYMI cum pueris orantis precibus factum est, ut ingredientes triclinium parata ibi divinitus fercula plusquam suffictura invenirent. Fuit & ille in ea Civitate perutile & que ac difficile caritatis ejusdem opus, quod publicas in perniciem civium mulieres lucri Deo fecit, atque ad poenitentiam adductas, præscriptis ab se legibus vitam acturas septis inclusit. Sed quum frequenti barbaro-

rum

(VII)

rum incursione multa in finitimas Regiones vitia irrepserunt, studio affilarum extimulante, iis remedium parare quoquo modo constituit. Delectis itaque ex numero Orphanorum, quos pietate, atque intelligentia maxime idoneos duceret, pagos, & villas cum iis circumviens, præeunte salutifero Crucis Insigni populos undequaque ad se convocabat. Tum docere quæ ad fidem pertinent, ponere ante oculos parata fontibus sempiterna supplicia, absterrere a vitiis, ad poenitentiam impellere, hæc, & id genus alia erant, in quibus sermo ejus simplex, & planus, sed magno cum ardore animi versabatur. Novocomi post peragrata, quæ circum oppida erant, pari sedulitate duas Orphanorum domos, & familias constituit, iisdemque viros præficit suo spiritu imbutos, quos sibi socios adjunxerat. Ipse Bergomatum valle iterum perlustrata in Pagum Venetæ ditios, Soma scha denominatum, qui locus ad poenitentiam propter asperitatem, ad contemplationem propter solitudinem, ad salutem animarum propter rudium populorum inficitiam opportunus præ cæteris visus est, se recepit, & inibi domicilium sibi, ac Sedem, in qua diutius libentiusque degeret, locavit, ac statuit. Huc igitur advocans laborum suorum socios, pias illis leges præscribit, quibus & sociorum ipsum, & puerorum institutio continetur. Ex eo autem loco factum est nomen Congregationi Clericorum Regularium, quam HIERONYMUS divino consilio ad Christianæ Reipublicæ utilitatem instituit. Mediolani deinde repudiata ingenti pecuniâ, quam Dux ad experimentum sanctimoniae dono misserat, facile auxilium ab illo impetravit, ac domum, ubi Orphanos collocaret. Hic autem, si unquam alibi, Caritati ipsius satis ampla meritorum seges oblata est. Quum enim per id tempus in magna illa Urbe lues vix ulli parcens foedissime grassaretur, HIERONYMUS frequenti mortis imagine nihil territus, invisibilis a grise sublevandis pauperibus, ad pietatem, ac poenitentiam omnibus cohortandis præsto aderat. Caritatis autem tam alacris præmium, utique existimandum, & Miraculi loco merito habendum videtur, quod ex Orphanis, & Ministris non paucis Or-

A 4

pha-

(VIII)

phanotrophii nemo unus fuerit in tam multorum Civium interitu desideratus. Quibus ex rebus increbescente fama HIERONYMI Sanctitatis factum est, ut complures, & quidem e nobilibus, atque opulentis familiis, illius Institutum amplectentur, & vestigiis insisterent. Papiæ itidem domo excipiendis Orphanis constituta, Somaschæ denuo se reddidit, ubi illud plane memorabile, quod, quum fratres duo ex diro inter se dissidio conviciis, non sibi modo, sed Deo etiam contumeliosis certarent, cum nihil monitis, atque obtestationibus profecisset; ingestu demum sibi in os cœno, ut pro eorum noxa aliquam vindici Deo pœnam exsolveret; ad poscendam a Deo veniam, & mutuam inter se concordiam renovandam adegit. In Montis, qui Somaschæ imminet vertice humilem sibi, & suis casam parat, architectus idem, & faber, & bajulus: Huic parvum addit tugurium in medio clivo aptum ægrotantibus valetudinarium; opportunum item propter propinquitatem degentibus Somaschæ orphanis quotidie revisendis locum. Deerat hinc aqua: sed fusis ad Deum precibus fontem elicit e vicina rupe non sicutibus modo, sed ægris etiam salutarem. Signo Crucis Lupos in fugam vertit: eodem sanat repente Ruricolam, qui grave sibi, dum ligna scindit, vulnus infixerat. Panem item, & vinum multiplicat. Hæc ille, atque alia mira patrabat, quæ tam ipse (qua erat humilitate) puerorum innocentia, & pietati tribuere solebat. Beatissimæ Virginis Mariæ cultui addictus quam qui maxime, eundem & aliis instillare, atque inserere studebat sedulo. Multo etiam magis ejusdem erga divinam Eucharistiam, & Sacramentum Pœnitentiae religio, & pietas eluxit. Pedestri itinere Venetas rediens Hospitalia visitar. Tum Veronæ, Brixæ, Bergomi aliquandiu substituit, caritate, & paupertate ubique similis sui. Illi Bergomeisis Civitas orborum parentibus puerorum, ac puellarum domos; illi resipiscientium mulierum septum, & Capuccinorum cœnobium accepta refert. Denique post petitam ab Episcopo Theatino, qui Veronæ tunc diversabatur, benedictionem ultimam Somascham revertitur. Ibi vero, propinqna mortis præscius, si unquam antea, solitariam,

at-

(IX)

atque asperam vitam instituit; Flagris, inediâ, siti, somno brevissimo, eoque nudo super lapide corpus afflictat. Spiritum vero diurnæ, ac nocturnæ orationis pabulo alit, ac reficit. Sed profecto, qui addictam semper caritatis operibus vitam duxerat, non aliter utique, quam inter eadem caritatis officia finire vitam decebat. Cum igitur Somascham lues infestaret, quid valeat incensus amor in proximum tunc maxime ostendit. Dici vix potest, quot, quantosque labores exhauserit, dum pestifero morbo correptos invisit, dum morientibus quoquomo- do subvenire nititur, dum mortuos suis humeris tumulando exportat; neque vero unquam destitit, nisi, postquam eodem & ipse morbo implicitus est, pulcherrima caritatis victimâ moriturus. Ad mortem ergo decumbens, suos, atque externos piis, sanctisque monitis adhortatus, atque extremo Sacramentorum præsidio munitus, hilari animo, sereno vultu, post iterata suaviter dulcissima Jesu, & Mariæ nomina acceptissimum Conditori, & Servatori suo spiritum reddidit die Februarii octava anno MDXXXVII. Ad corpus demortui, quem tamquam Patrem omnes habuerant, frequens e finitimus pagis concursus factus est populorum, quibus ut copia fieret illius venerandi, ad plures dies differri sepulturam oportuit. Sanctus autem, ut haberetur, & vocaretur HIERONYMUS, edita, ante, & post obitum superba signa suadebant. Illud constat Sanctum Carolum Borromæum, quum eo venisset, illius offi- bus suavi fæse odore prædentibus thuris honorem tribuisse. Præter miracula quædam ab Auditorio Causarum Palatii Apostolici, prout ea ferebant tempora, anno MDCXXX. apud fel. record. Urbanum PP. VIII. Prædecessorem Nostrum commen- data, alia relata fuerunt in acta Processus ex Apostolica aucto- ritate Somaschæ peracti anno MDCLXXVIII.

Porro virtutum HIERONYMI præstantiam in gradu heroico, auditis Sanctæ Romanæ Ecclesiæ Cardinalium, qui sacris Ritibus præsunt, & Consultorum suffragiis declaravit Clemens XII. etiam Prædecessor Noster decreto suo die xxv. Augu- sti MDCCXXXVII. edito. Jam vero quod attinet ad miracula

A 5

HIE-

(X)

HIERONYMI intercessione a Deo patrata, per quæ ad Beatificationem aperiretur via, ejusdem recordationis Benedictus XIV. Prædecessor quoque Noster duo præ cæteris per decretum die xxiii. Aprilis MDCCXLVII, approbatu digna comperit. Primum quidem in Hieronyma Durighella Venetiis anno MDCCXXXVI. quæ, quum habituali morbo scorbutico, atque inde ortis malignis ulceribus, diris convulsionibus, aliisque deterrimis symptomatibus laboraret per annos complures, quorum quatuor extremos lecto affixa miserandum in modum transegerat, invocato HIERONYMO statim convaluit, Sanatio altera instantanea supra vires naturæ contigit anno MDCCXXXVIII. in pueri septenni Antonio Blanchini ab insanabili morbo comitali, qui ab incunabulis usque sœpiissime diebus singulis male illum habuerat. Sub hæc idem Benedictus Prædecessor die v. Augusti anni MDCCXLVII. tuto ad Beatificationem devenir posse pronunciavit. Quod quidem decretum effectum habuit die xxii. subsequentis mensis Septembri editis litteris illius Beatificationis, cuius sacræ ceremoniæ in Vaticana Basilica die xxix. ipsius mensis peractæ sunt.

Quum vero alia deinde miracula ad Canonizationem viam stercere viderentur, novi authoritate apostolica Processus confessi sunt, quorum validitas primum ab ipsa Congregatione die vii. Maji MDCCCLXIII., deinde vero a Nobis die xiv. ejusdem mensis probata fuit. Comperta itaque Processuum validitate, coptum est agi de miraculis ipsis in specie, & post coactas Congregationes, antepræparatoriam v. Februarii MDCCCLXV., præparatoriam vero iv. Martii MDCCCLXVI. In comitiis denique generalibus coram Nobis habitis die xiii. Maji ejusdem anni, duo miracula mox adscribenda digna sunt habita, quæ probarentur. Verum Nos, sumpto adhuc ad invocandum Patrem luminum spatio, die tandem mensis ejusdem Maji xxv. constare de duobus miraculis pronunciavimus. Miracula autem hæc sunt. Primum contigit in sorore Maria Gesualda Pocabella. Mense Junii MDCCXLVIII. supra naturæ vires B. HIERONYMI intercessione sanata, cum ex pessimo ulceroso humore in-

tar-

(X I)

tato finistri pedis caro, & ossa computruissent. Alterum naturæ vim supergrediens per ejusdem BEATI opem sanatio cum subita virium redintegratione mense Aprili MDCCCLIV. perspecta est in Elisabetha Zandanillia, quam colica nephritica, aliæque pravæ affectiones in extreum vitæ discrimen adduxerant. Proposito sub hæc dubio in Congregatione Generali habita coram Nobis die xxiii. Septembri MDCCCLXVI. Anstante approbatione duorum miraculorum ad solemnum BEATI HIERONYMI ÆMILIANI Canonizationem tuto procedi posset; Nos tametsi Cardinales, & Consultores in affirmantem sententiam convenientes audivissemus, ante decreti editionem faciendum duximus, ut iterum, iterumque fusis precibus Deum consuleremus; donec tandem die xii. Octobris anni proximi præteriti Canonizationis BEATI HIERONYMI ÆMILIANI quan- documque facienda decretum edi, & in acta Sacræ Congregationis Rituum referri mandavimus.

Hoc edito decreto, preces, quas Apostolicæ Sedi aliqui Christiani Principes, & præcipue dilecti filii nobiles viri Dux, & Respublica Venetiarum ab hujus caussæ exordio obtulerant, Nobis iterum exhibitæ fuere, Congregatio vero dilectorum filiorum Clericorum Regularium de Somascha nuncupata assidue aliorum postulationibus & suas demississimas preces adjicere non desinebat, ut peroptatam Canonizationis sententiam ferremus. Nos idcirco prius universo S. R. E. Cardinalium Collegio compendium vitæ, virtutum, & miraculorum BEATI HIERONYMI, ex iis, quæ Sacrorum Rituum Congregatio, habito diligenti examine, probavit, depromptum, & impressum distribui jussimus, mox secretum die xxvii. Aprilis vertentis anni indiximus Consistorium, atque in eo postquam summa virtutum, & miraculorum BEATI HIERONYMI ipsis S. R. E. Cardinalibus exposita fuit; Nos ipsi eos alloquuti, singulorum confilium exquisivimus, an ad solemnum Canonizationem esset procedendum Beati Viri, qui inter heroicas virtutes, quas in ejus animum divina indidit gratia, singulari excelluit in Proximum caritate, cui exercendæ præsertim erga paupetes Orpha-

nos,

(XII)

nos, & humano præsidio destitutos, studium omne contulit suum; Cumque eorumdem Cardinalium animi sensus, id sibi placere affirmantium, ingenti cum animi nostri lætitia audivissemus; ut adhuc in hac re tutius, & juxta laudabilem Apostolicæ Sedis consuetudinem procederemus, Venerabiles etiam Fratres nostros Archiepiscopos, & Episcopos in Italia degentes, de consilio nostro commonefaciendo curavimus, itemque adhortandos, ut ad Urbem intra præstitutum tempus venientes in tam gravi negotio suffragiis suis, & precibus adjuvarent. Ejusdem compendii exempla illis tradi jussimus, utque de totius caussæ BEATI HIERONYMI serie, atque de virtutibus, & miraculis ab Apostolica Sede approbatis cumulatius erudirentur; publicum coram Nobis die ix. mensis Maji proxime elapsi consistorium convocavimus, cui præter S. R. E. Cardinales, Patriarchæ quoque, Archiepiscopi, & Episcopi in Urbe congregati interfuerent, atque in illo, impetratâ a Nobis veniâ, dilectus filius Julius Cæsar Fagnani consistorialis Aulæ nostræ Advocatus pro ejusdem BEATI HIERONYMI canonizatione gravi, & ornato sermone peroravit. Nos vero ob rei gravitatem eosdem Cardinales, Patriarchas, Archiepiscopos, & Episcopos ibidem præsentes magnopere hortati fuimus, ut jejuniis, & orationibus instarent apud eum, qui dat omnibus affluenter, & non improperat.

Post hæc, Consistorio semipublico die xv. nuper elapsi mensis Junii indicto, præter eosdem Cardinales, & Patriarchas, Archiepiscopos, & Episcopos, etiam Nostros, & Sedis Apostolicæ Notarios, duosque antiquiores ex causarum Palatii Apostolici Auditoribus interesse jussimus. Ibi autem Nos universos, qui convenerant, alloquuti, singulorum suffragium exquisivimus, an Sancti cultum, & honorem BEATO HIERONYMO tribui oporteret: Cumque omnes, gravibus allatis caussis, Beati Viri Canonizationem non modo probarent, sed justum id, atque æquum censerent; perjucunda Nobis fuit illorum in idem placitum mira consensio.

Verum-

(XIII)

Verumtamen, ad implorandum uberioris Dei misericordiam, qui mitteret Nobis auxilium de sancto triduanum in Urbe Jejunium indiximus, & tres Patriarchales Basilicas designavimus, in quibus Sanctissimum Eucharistiae Sacramentum per totidem dies publicæ venerationi exponeretur, omnesque Christifideles hortati fuimus, ut sacramentali peccatorum Confessione expiatæ, & Christi corpore refecti, jejuniis, & Orationibus Omnipotentem Dominum nobiscum unâ obsecrarent, ut sedium suarum assistricem sapientiam Nobis impertiretur, cuius affulgente luce, quid ei placitum esset dignosceremus, indulgentiâ ad id, & plenâ peccatorum remissione concessâ. Nos itaque præter diurnas, & assiduas humiliique fiducia effusas privatas preces, ad easdem Basilicas visitandas tribus designatis diebus reverenter accessimus, atque non sine animi nostri sancta exultatione spectavimus confluentem ad eas summa cum religione totius fere Romani Populi multitudinem, & sua de BEATIS in sanctorum numerum cooptandis vota, vultu ipso, atque oculis præferentem.

Hac die denique Beatissimæ Virgini Mariæ de Monte Carmelo dicata, qua Coronationis Nostræ recurrent solemnia, ad Basilicam Principis Apostolorum splendide, & magnifice ornatam, servatâ supplicationis publicæ formâ, & præcedentibus omnibus Cleri sæcularis, & regularis Ordinibus, & Ministrorum Romanæ Curiaæ Collegiis, unacum Venerabilibus Fratribus Nostris S. R. E. Cardinalibus, Patriarchis, Archiepiscopis, & Episcopis perrexiimus. Atque ubi ad Confessionem Beati Petri ventum est, antequam sacris solemnibus operaremur, postulante semel atque iterum dilecto filio nostro Carolo Tituli Sancti Clementis S. R. E. Presbytero Cardinali Rezzonico nuncupato ejusdem S. R. E. Camerario, ad Canonizationem impe trandam Procuratore constituto, decantatæ fuere sacræ Ecclesiæ preces, ut Deiparæ Virginis, Angelorum, & Sanctorum omnium cum Christo regnantium intercessione divinum Nobis adesset auxilium. Tum Paraclito Spiritu cum gemitis invocato, ad honorem Sanctæ, & individuæ Trinitatis, ad exaltatio nem

(XIV)

nem Fidei Catholicæ , & Christianæ Religionis augmentum, authoritate Domini Nostri Jesu Christi, Beatorum Apostolorum Petri & Pauli, & Apostolicæ nostræ autoritatis plenitudine, ac de Venerabilium Fratrum nostrorum S. R. E. Cardinalium, Patriarcharum, Archiepiscoporum, & Episcoporum in Urbe congregatorum consilio, & assensu, ipsum BEATUM HIERONYMUM AEMILIANUM Fundatorem Congregationis Clericorum Regularium de Somascha denominatæ, unacum BEATIS JOHANNE CANTIO, JOSEPHO CALASANCTIO A MATRE DEI, JOSEPHO A CUPERTINO, SERAPHINO A MONTE GRANARIO, AB ASCULO denominato, & JOHANNA FRANCISCA FREMIOT DE CHANTAL; Sanctum esse decrevimus, ac Sanctorum Cathalogo adscriptissimus, illumque ab universis Christifidelibus, tamquam vere Sanctum, religioso cultu honori mandavimus, prout etiam tenore præsentium definimus, decernimus, & declaramus: Statuentes, & concedentes, ut ab universali Ecclesia in ejus honorem Ecclesiæ, & Altaria, in quibus Sacrificia Deo offerantur edificari, & consecrari, & singulis annis die octaya mensis Februarii ipsius SANCTI HIERONYMI AEMILIANI inter Sanctos Confessores ab Ecclesia memoria recoli possit. Eademque authoritate omnibus Christifidelibus, qui eadem die annis singulis ad sepulchrum, in quo Corpus ejusdem SANCTI HIERONYMI conditum servatur, visitandum accesserint, perpetuo septem annos, & totidem quadragesas de injunctis eis, aut alias quomodolibet debitibus pœnitentii misericorditer in Domino in forma Ecclesiæ consueta relaxavimus.

Mox decantato pro debita gratiarum actione laudis, & confessionis hymno, omnibusque Christifidelibus, qui ad tantam celebritatem confluxerant, plenâ peccatorum remissione, & indulgentiâ concessâ, supra Beatissimi Apostolorum Principis Confessionem, Sacrosanctum Missæ Sacrificium solemniter celebravimus, factâ corundem Sanctorum speciali commemoratione.

Jam

(XV)

Jam vero, si omnino decet laudare Dominum in Sanctis ejus, in BEATO utique HIERONYMO peculiare in quoddam habemus rationem, cur id præstare debeamus; etenim quum Christianæ, & Catholicæ Religionis insigne quoddam, ac veluti tesseram Christus Jesus mutua in caritate constituerit; hæc profecto tessera, hoc insigne in quo vere divini Præceptoris discipuli cognoscantur, tum in aliis quolibet tempore, tum in SANCTO HIERONYMO præfertim enituit, ita quidem ut ad similitudinem Dei qui Pater dicitur Orphanorum, maxime accedere videretur. Qua quidem in re, & Catholicam Ecclesiam novi Ordinis institutione illustriorem reddidit, & evangelicæ pietatis cultoribus exemplum reliquit, quo scilicet in misericordiâ erga pauperes exercendâ ad Patrem misericordiarum imitandum excitarentur. Dum igitur Ecclesiam ipsam novis in diem splendoribus coruscare gaudemus, ad eos illuminandos, qui in tenebris, & in umbra mortis sedent, illud simul curare omni studio debemus, ut quæ in Ecclesia quotidie instaurantur exempla virtutum, non frustra Nobis proposita esse videantur.

Hic autem prætermittere illud non possumus ut Venetæ Urbi, in qua natos Nos esse gloriamur; magnopere in Domino gratulemur. Etenim, si præclarum est ei Cives habuisse per omnes ætates, tum pacificis, tum militaribus artibus memorandos, longe utique præclarus eidem esse fatendum est, quod viros Sanctos habuerit, quos heroica christiana virtus inter superos collocavit, quique, ut olim in Terris, sic multo magis in Cœlis, Patriæ sint præsidium & decus.

His igitur omnibus peractis, cum idem Carolus Cardinalis, & Procurator designatus a Nobis obsequenter petierit, ut Apostolicas Nostras literas in gestorum omnium perenne monumentum decerneremus. Nos petitioni perquam libenter annuentes, præsentes Nostras Literas edi, & palam fieri demandavimus: Statuentes earumdem exemplis etiam impressis, ab aliquo ex Notariis publicis subscriptis, & sigillo Personæ in Ecclesiastica Dignitate constitutæ munitis, eamdem prorsus fidem ab omnibus adhiberi, quæ ipsis originalibus literis adhiberetur, si exhibitæ, vel ostensæ forent.

Nulli

(X VI)

Nulli ergo omnino hominum liceat paginam hanc nostræ definitio-
nis, decreti, adscriptionis, mandati, statuti, concessionis, relaxatio-
nis, & voluntatis infringere, vel ei ausu temerario contraire;
si quis autem hoc attentare præsumperit, indignationem Omnipo-
tentis Dei, ac Beatorum Petri & Pauli Apostolorum ejus se noverit
incursurum.

Datum Romæ apud Sanctum Petrum , Anno Incarnationis
Dominicæ MDCCLXVII. Decimo septimo Kalendas Augusti, Pon-
tificatus Nostri Anno Decimo . *16 luglio*

* Ego Clemens Catholicæ
Ecclesiæ Episcopus .



- ※ Ego C. A. Episcopus Ostien. & Velerernen. Card. Cavalchini Sacri Collegii Decanus.
- ※ Ego F. M. Episcopus Portuen. & S. Rufinae Card. Lantes.
- ※ Ego J. F. Episcopus Sabinen. Card. Albani.
- ※ Ego H. Episcopus Tusculan. Card. Dux Eboracensis S. R. E. Vi-
ce cancellarius.
- ※ Ego F. Episcopus Albanen. Cardinalis Serbellonus.

Eg

(XVII)

- ¶ Ego J. F. Episcopus Prænestin. Card. Stuppanius.

¶ Ego C. Tit. S. Clementis Presbyter Card. Rezzonico S. R. E. Camerarius.

¶ Ego F. M. Tit. Sancti Silvestri in Capite Presbyter Cardinalis de Rubeis.

¶ Ego J. M. Tit. S. Alexii Presbyter Card. Castelli.

¶ Ego C. Tit. Sancti Petri ad Vincula Presbyter Cardinalis Elephantinus.

¶ Ego P. H. Tit. SS^ma Trinitatis in Monte Pincio Presbyter Card. Guglielmi.

¶ Ego P. P. Tit. S. Stephani in Monte Cælio Presbyter Card. de Comitibus.

¶ Ego Fr. L. Basilice Sanctorum XII. Apostolorum Presbyter Card. Ganganelli.

¶ Ego M. A. Tit. Sancte Marie de Pace Presbyter Cardinalis Columna.

¶ Ego

(XVIII)

- † Ego A. Sanctorum Viti & Modesti Diaconus Cardinalis Nigrinus.
 † Ego Ae. S. Sancti Adriani Diaconus Card. Piccolomineus.
 † Ego X. Sancte Mariae de Scala Diaconus Card. Canale.
 † Ego B. Sanctorum Cosmae & Damiani Diaconus Cardinalis Veterani.
 † Ego S. Tit. S. Joannis ante Portam Latinam Presbyter Card. Buonaccorsi.
 † Ego J. C. Tit. SS. Johannis & Pauli Presbyter Card. Boschi Major Pænitentiarius.
 † Ego L. Tit. S. Anastasia Presbyter Card. Calinus.
 † Ego A. Tit. Sancte Mariae in Via Presbyter Cardinalis Columna Branciforti.
 † Ego P. Tit. S. Mariae Transtiberim Presbyter Cardinalis Pamphilus.
 † Ego Ph. M. Tit. S. Chrysogoni Presbyter Card. Pirellius.
 † Ego A. Sancte Mariae in Via-Lata Prior Diaconorum. Cardinalis Albanus.
 † Ego N. S. Eustachii Diaconus Card. Corsinius.
 † Ego D. Sancte Mariae ad Martyres Diaconus Card. Ursinus.
 † Ego Fl. Sancte Mariae in Portico Diaconus Card. Chisius.
 † Ego A. M. Sancte Agathæ ad Suburam Diaconus Cardinalis Torrigiani.
 † Ego F. S. Sancti Cesarei Diaconus Card. Caracciolus de Sancto Bono.
 † Ego N. Sancti Georgii in Velabro Diaconus Card. Perrelli.
 † Ego A. Sancti Angeli in Foro Piscium Diaconus Cardinalis Corsinius.

† Ego

(XIX)

- † Ego A. Sanctorum Viti & Modesti Diaconus Cardinalis Nigrinus.
 † Ego Ae. S. Sancti Adriani Diaconus Card. Piccolomineus.
 † Ego X. Sancte Mariae de Scala Diaconus Card. Canale.
 † Ego B. Sanctorum Cosmae & Damiani Diaconus Cardinalis Veterani.

C. Card. Pro-Datarius. A. Card. Nigronus.

V I S A
De Curia J. Manassei.

L. Eugenius.

Loco ✕ Plumbi.
Registrata in Secretaria Brevium.

D. Ioan. Petruz. Riva Om. Only C.R. dom.

XIX

17. X. 2nd year of the Dharma Dissemination Period. The Venerable Sangharakshita gave a talk on the Vidyasara Sutra. 18. X. Sangharakshita gave a talk on the Vidyasara Sutra.

G. City. Big-Daddy. V. G. Cutt. Mifflins.

A 2 I W

www.IBM.com

Digitized by srujanika@gmail.com

...within the context of the film.